

فرانسه‌لی‌لر «میشو» دا تئلکابین دوزلدیرلر

مرند شهرداری فرانسه‌لی‌لرین تئلکابین قوشماسی اوچون تفاهومنامه دن خبر وئردی...



مرند شهرداری فرانسه‌لی‌لرین تئلکابین قوشماسی اوچون تفاهومنامه دن خبر وئردی.

سیدرضا هاشمی مرندده فارس خبرنیگاری اینن دانیشیقدا دئدی: اوچونچو سرمایا قویما ییغینجاغیندا، داخلی و خارجی شیرکتلرین تفاهومنامه ایضالماقدا شرقی آذربایجان ایکنجی روتبته گتیریب.

او دئدی: مرند شهری اورپا آسیا ترانزیت یولونون اوستونده اولماغینا گوره موختلیف زمینه‌لرده ایقتیصادی و سرمایا جذب ائله‌ماق بؤلومونده، ایش و ایشتیغال یارالتماقدا موهوم نقش اوینایا بیلر.

هاشمی بونا ایشاره ائله‌ماغینان کی ایکی آیین ایچینده شهرداری نین هیئتیی و فرمانداری و شهر شوراسی نین حیمایتلری اینن موختلیف عومرانی-خدماتی و فرهنگی بؤلوملرده 84 دن آرتیق طرح ایجرا اولوب کی عزیز مرندلی‌لر بونو باخیندان لمس ائدیبلر. و بو طرحلر شرقی آذربایجان مؤحترم اوستانداری نین حضوریی اینن ایفتتاح اولوب.

او هابئله عومرانی و خدماتی طرحلرین ایجرا سیندا نچه بویوک تفریحی طرحین ایجرا اولماسین ایسته‌ییب دئدی: اگر بیر یئره یئتیشاق کی مرندی بیخیب تازادان دوزلتماق لازیم اولو بو ایشی گوره‌روف تا مرند شهری اوستان سطحینده داخلی و خارجی تورستلرین جذبینده اؤز اصلی یئرین تاپسین.

مرندین شهرداری، نچه داخلی و فرانسه‌لی شیرکت اینن، تورستی منطقه‌لر «میشو» و «یومورو تپه» ده تئلکابین دوزلتماق، بوغدا ساتان مئیدانین توسعه طرحی، بویوک موسافیر ترمینالین یولا-سالماسی، بویوک تیجاری-خدماتی و مسکونی مرکزی نین 21 طبقه‌ده یارالتماسی، موتوری پارکین یارالتماسی و قدیم شهرداری بیناسی نین شمالي ضیلعین توسعه‌سی اوچون ایضالانان تفاهومنامه دن خبر وئریب دئدی: بو طرحلرین ایجراسی اوچون اوست-اوسته 96 میلیارد تومن هزینه اولاجاق.

او آیدینلادی: خانیملارا مخصوص پارکین دوزلتمه‌سینه اولییه ایشلر گؤرولوب کی موطالیعه‌نین قورتولماسی اینن، تزلیقینان بو طرح مرندده باشلایاجاق.

هاشمی ایدامه‌ده دئدی: مرند شهرداری سی جامع شهری مودیریتین ایکنجی نومایشگاهیندا اؤز قودرتلی حضوریی اینن اوستان شهرداریلاری ایچری سینده ائله بیلدی اوستان مسئوللاری و گؤروشچولرین دیقیتینی جلب ائله.